



Ի. Վ. ՍՏԱԼԻՆ



Ի. Վ. ՍՏԱԼԻՆԻ «ՄԱՐՔՍԻԶՄԸ ԵՎ ԼԵՋՎԱԲԱՆՈՒԹՅԱՆ ՀԱՐՑԵՐԸ»
ԱՇԽԱՏՈՒԹՅՈՒՆԸ ԵՎ ՄԵՐ ԽՆԴԻՐՆԵՐԸ

Հրացավ Ի. Վ. Ստալինի «Մարքսիզմը և լեզվաբանության հարցերը» հան-
ճարեղ աշխատության լույս ընծայման մեկ տարին: Ընկեր Ստալինի այս աշ-
խատությունը, որը խոշորագույն ավանդ է մարքսիզմ-լենինիզմի դանձարանում,
դարագլուխ բաց արեց սովետական դիտության զարգացման մեջ և նշեց լեզ-
վագիտության հետադա վերելքի ուղիները:

Բացահայտելով Ն. Յա. Մառի այսպես կոչված «լեզվի նոր ուսմունքի» ի-
դեալիստական, հակամարքսիստական էությունը, ընկեր Ստալինը պատմական
հարուստ փաստական նյութի ամենախոորը ընդհանրացումներով հիմք դրեց
կուռ, հետևողական մարքսիստական լենինյան լեզվաբանական ուսմունքին:

Ընկեր Ստալինը բացահայտեց լեզվի, որպես հասարակական երևույթի,
սպեցիֆիկ առանձնահատկությունները, ցույց տվեց Մառի և նրա աշակերտ-
ների մոլորության ողջ խորությունը: Ընկեր Ստալինը հիմնավորեց այն ճշմար-
տությունը, որ լեզուն վերնաշենք չէ, որ նա ծնունդ չի առել այս կամ այն բա-
զիսից, այլ հանդիսանում է հասարակության պատմության ամբողջ ընթացքի
արդյունք: Լեզուն ստեղծվել է ոչ թե մի որևէ դասակարգի, այլ ամբողջ հասա-
րակության կողմից: Այստեղից հետևում է, որ այս կամ այն բազիսի կործա-
նումը չի կարող հասցնել հին լեզվի ոչնչացման և նոր լեզվի թռիչքային առա-
ջացման:

Ընկեր Ստալինը սուր քննադատության ենթարկեց Ն. Յա. Մառի
հակագիտական դրույթները լեզվի դասակարգայնության մասին և ցույց տվեց,
որ, ի տարբերություն վերնաշենքային երևույթների, լեզուն սպասարկում է ոչ
թե մեկ որևէ դասակարգի, այլ հավասարապես սպասարկում է հասարակու-
թյան բոլոր անդամներին՝ անկախ նրանց սոցիալական դրությունից:

Մերկացնելով լեզվի իդեալիստական անջատումը հասարակության պատ-
մությունից, ընկեր Ստալինը ցույց տվեց, որ հասարակությունից դուրս չկա
լեզու և հետևապես՝ չի կարելի հասկանալ լեզվի զարգացման օրենքները հա-
սարակության պատմությունից անջատ, կտրված տվյալ ժողովրդի պատմու-
թյունից:

Ընկեր Ստալինը ցույց տվեց Մառի՝ լեզուն մտածողությունից կտրելու
փորձերի հակագիտական, իդեալիստական էությունը, ընդգծելով, որ անհնա-
րին է մտքի գոյությունը առանց նրա լեզվական թաղանթի, առանց լեզվի
«բնական նյութի»:

Մեր մեծ ուսուցչի հանճարեղ աշխատության մեջ իրենց լուծումն են ստա-
ցել լեզվաբանության այնպիսի արմատական հարցեր, ինչպես լեզվի քերակա-
նական կառուցվածքի, նրա բառարանային կազմի հիմնական բառային ֆոն-
դի՝ լեզվի այդ էական տարրերի զարգացման օրինաչափության հարցերը:

Մեծ է ընկեր Ստալինի ուսմունքի նշանակությունը դասակարգային և տե-
րիտորիալ բարբառների մասին, նրանց էական տարբերությունների մասին,
ազգային լեզուների ձևավորման ընթացքում նրանց տարբեր դերի մասին, տե-

րիտորիալ բարբառների և համաժողովրդական լեզվի միջև եղած փոխադարձ կապերի մասին։

Անշափ մեծ է ընկեր Ստալինի աշխատության ուղենիշ գաղափարների դե-րը սովետական լեզվաբանության հետագա զարգացման համար։

Սակայն ստեղծագործական մարքսիզմի այդ հոյակապ աշխատության նշանակությունը ամենևին չի սահմանափակվում լեզվաբանության շրջանակ-ներով. նրա հրապարակ գալը նշանավորեց մարքսիստական փիլիսոփայու-թյան՝ դիալեկտիկական և պատմական մատերիալիզմի հետագա զարգա-ցումը։

Լեզվաբանական իդեալիզմի դեմ մղած պայքարում ընկեր Ստալինը խո-րացրեց մտածողության էություն, նրա առանձնահատկությունների դիալեկտի-կական-մատերիալիստական բմբռնումը։

Նա զարգացրեց, ճշտեց և կոնկրետացրեց դիալեկտիկական մեթոդի հիմ-նական գծերին՝ վերաբերող ուսմունքը և հատկապես բանական փոփոխու-թյունների նոր որակի անցման օրենքին՝ վերաբերող ուսմունքը։

Նա ցույց տվեց, որ մի որակից թռիչքաձև մյուսին անցումը միշտ չէ, որ պայթյունի բնույթ է ստանում, որ այդ պայթյունը, հնի մեկ անգամից ոչնչա-ցումը և նորի կառուցումը տեղի չի ունենում ոչ միայն լեզվի, այլև բազիսային կամ վերնաշենքային կարգի բազմաթիվ ալլերուլիերի զարգացման մեջ։

Ընկեր Ստալինի այդ ցուցումն ունի տեսական և գործնական հսկայա-կան նշանակություն՝ սոցիալիստական հասարակակարգի զարգացման առանձ-նահատկությունների բմբռնման համար։

«Մարքսիզմը և լեզվաբանության հարցերը» աշխատության մեջ ընկեր Ստալինը ստեղծագործորեն զարգացրեց բազիսի և վերնաշենքի մասին մարք-սիստական-լենինյան ուսմունքը։ Նա ցույց տվեց վերնաշենքի ակտիվ դերը իր բազիսի ամրապնդման գործում և նրա անհաշտ վերաբերմունքը դեպի թշնա-մական բազիսը և թշնամական վերնաշենքը։ Իր բազիսի հանդեպ վերնաշենքի ծառայական-դասակարգային դերի մեջ ընկեր Ստալինը բացահայտեց վերնա-շենքի կական հատկությունը։ Բավական է միայն, որ վերնաշենքը իր բազիսի ակտիվ պաշտպանության դիրքից անցնի նրա նկատմամբ անտարբեր վերա-բերմունքի դիրքին, — սովորեցնում է ընկեր Ստալինը, — բավական է միայն, որ վերնաշենքը նույնանման վերաբերմունք ունենա դեպի հակամարտ դասա-կարգերը, որպեսզի նա կորցնի իր հիմնական որակը և դադարի վերնաշենք լի-նելուց։

Այդ հանճարեղ քնորոշումները հանդիսանում են տեսական հիմնավորում-ներ՝ սոցիալիստական վերնաշենքի անշեղ ամրապնդման անհրաժեշտության համար, պարտիայի և սովետական պետության՝ սոցիալիստական բազիսի ստեղծման, ամրապնդման և աստիճանաբար զարգացման այդ հիմնական վճռական լծակների՝ հզորացման համար։

Վերնաշենքի ծառայական դասակարգային դերի մասին ընկեր Ստալինի ուսմունքից բխում է, որ սոցիալիստական վերնաշենքի բաղկացուցիչ տարրե-րը՝ սովետական փետությունը, փիլիսոփայությունը, գրականությունը, ար-վեստը, էթիկան կոչված են է՛լ ավելի ամրապնդելու սոցիալիստական բազի-սը, սուր, անհաշտ պայքար մղելու կապիտալիստական բազիսի և նրա վերնա-շենքի դեմ։

Ընկեր Ստալինի ուսմունքը վերնաշենքի մասին՝ տեսական հիմնավորում

է հանդիսանում այն անշեղ և հետևողական պայքարի, որը մղում է բուլշևիկյան պարտիան իդեոլոգիական ֆրոնտում բուրժուական օրենկտիվիզմի, ապոլիտիզմի, անպարտիականության, դեպի ռեակցիոն բուրժուական կուլտուրան հաշտ-վողական վերաբերմունքի բոլոր ձևերի դեմ:

Ընկեր Ստալինի «Մարքսիզմը և լեզվաբանության հարցերը» աշխատու-թյունը մահացու հարված հասցրեց դոգմատիզմին և տերտերականությանը, մարքսիզմը որպես անփոփոխ, քարացած դոգմաների միակցություն ներկա-յացնելու վնասակար փորձերին: Ընկեր Ստալինը սուր ծաղրի ենթարկեց նրանց, ովքեր հանուն մարքսիզմի տառի պատրաստ են աչքաթող անել նրա էությունը, ովքեր մարքսիզմի ստեղծագործական կիրառումն ուղղում են փո-խարինել նրա առանձին եզրակացությունների ու ֆորմուլների տիրացուական սերտումով:

Ընկեր Ստալինը, հանձնաՄառի և նրա աշակերտների, դիմակազերծ ա-րեց այն մարդկանց, որոնք ձգտում են սովետական գիտության մեջ արմատա-վորել նրան խորթ բարբեր, ճնշել գիտական քննադատությունը և ինքնաքննա-դատությունը, արակչեւյան միջոցներով հաշիվ տեսնել նրանց հետ, ովքեր չէին դավանում Մառի «նոր ուսմունքի» դոգմաները:

Ընկեր Ստալինի ցուցումը կարծիքների պայքարի և քննադատության ա-զատության վերաբերյալ՝ հանդիսանում է սովետական գիտական մտքի հետա-գա ծաղկման կարևորագույն պայմանը:

Ընկեր Ստալինի աշխատությունը բացառիկ դեր խաղաց մեր ռեսպուբլի-կայի գաղափարական, գիտական կյանքում: Նա ստեղծեց բոլոր հնարավորու-թյունները Մառի աշակերտների վնասակար հնարանքները մերկացնելու և լեզվաբանության մեջ նրանց մտցրած արակչեւյան ռեժիմը վերացնելու հա-մար:

Իրենց ուսուցչի հակամարքսիստական ֆորմուլները անցկացնելով, Ա. Ղա-րիբյանը և նրա համախոհները, պատմական փաստերի աղաղակող ֆալսիֆի-կացիայի գնով «ապացուցում» էին հին հայկական գրական լեզվի՝ գրաբարի դասակարգային բնույթը, հայոց լեզվի զարգացման մեջ «պայթյուններ» էին հնարում, հայկական միասնական ազգությանը երկու լեզու վերագրում՝ այս-պես կոչված արևմտահայ լեզուն ինքնուրույն լեզու հռչակելով:

«Նոր ուսմունքին» նախորդող ամբողջ լեզվաբանության նկատմամբ մա-ռական նիհիլիզմով համակված՝ նրանք մեծամտորեն նշավակում էին պատմա-համեմատական մեթոդը, որպես «փղեալիստական», «ռասիստական» մեթոդ և ժխտում էին տարբեր ազգությունների լեզվական ազգակցության հարցի ու-սումնասիրության անհրաժեշտությունը, մինչդեռ ընկեր Ստալինը նշում է, որ «լեզվական ազգակցության ուսումնասիրությունը կարող էր մեծ օգուտ բերել լեզվաբանությանը, լեզվի զարգացման օրենքները ուսումնասիրելու գործում» («Մարքսիզմը և լեզվաբանության հարցերը», էջ 75):

Մառի հետևորդները Հայաստանում՝ զինված լեզվի դասակարգային, վեր-նաշենքային բնույթին վերաբերող կեղծ տեսություններով, ձգտում էին հայոց լեզվի քերականությունն ու հիմնական բառային ֆոնդը ենթարկել «խիստ զտման»՝ «խորթ, դասակարգային» տարրերից, քոս ստեղծելով հայոց լեզվի շինարարության պրակտիկայում:

Ղևկավարվելով լեզվի մաքրության մասին մառական խառնաշփոթ, հակա-սական ու սխալ «սահմանումներով», անտեսելով հայերենի քերականությու-

ներ, նրա զարգացման ներքին օրենքները, նրա ողջ առանձնահատկությունը, Գ. Սևակը և ուրիշները աշխատում էին «հարստացնել» այն, հնարելով նոր, քիչ արտահայտիչ, անբարեհնչուն, նյութի իմաստային կողմը աղավաղող բառեր, արտահայտություններ, ոճեր։ Դրան կարող է իլյուստրացիա ծառայել «Սվգենի Օնեգինի» հալերեն անորակ թարգմանությունը, որը կատարել է ընկ. Սևակը։

Մառի սխալ գրույթները լեզուների խաչաձևման մասին, «դասակարգային» և տերիտորիալ բարբառների տարբերությունների մասին, վերջիններիս և համաժողովրդական ու համազգային լեզուների միջև գոյություն ունեցող փոխհարաբերությունների մասին, ոչ միայն արմատապես աղավաղում էին հայոց լեզվի ծագման և զարգացման պատմությունը, այլև խանգարում էին հայոց լեզվի հետագա զարգացմանը, խանգարում էին նրա հարստացման իսկական աղբյուրների ու միջոցների բացահայտմանը։

Մառի և նրա աշակերտների հակամարքսիստական տեսակետները շահամանափակվեցին լեզվաբանության շրջանակներով։ Նրանք զգալի վնաս հասցրին նաև հայագիտության այլ ճյուղերին։ Մառականները աղավաղում էին մասնավորապես հայ ժողովրդի ծագման հարցը, փորձելով հայ ժողովրդի էթնոգենեզը բացատրել իրենց լեզվաբանական մեռյալ ու սնանկ դոգմաների համաձայն։

Ընկեր Ստալինի «Մարքսիզմը և լեզվաբանության հարցերը» աշխատության լույս ընծայումից հետո անցած մեկ տարվա ընթացքում Հայաստանի դիտական հիմնարկները ՀԿ(Բ)Պ Կենտկոմի ամենօրյա ղակավարությամբ ու ժանդակությամբ զգալի աշխատանք կատարեցին սովետահայ լեզվաբանության, գրականագիտության, պատմագրության և այլ բնագավառների հաջողության քննարկման ու լուսաբանման ուղղությամբ։ Գիտա-հետազոտական հիմնարկներում կազմակերպվեցին հատուկ դիսպուտներ, նվիրված լեզվաբանության հարցերին։ Հայկական ՍՍՌ-ի տնօրենների Ակադեմիայի լեզվի ինստիտուտի գիտական խորհրդի ընդլայնած նիստում քննության առնվեցին հայոց լեզվի մաքրության և ժամանակակից հայերենի լեզվաշինարարության հարցերը, իսկ Գրականության ինստիտուտի գիտական խորհրդի նիստում քննարկվեցին գրականագիտության խնդիրները ընկեր Ստալինի աշխատությունների լույսի տակ։

Պատմության ինստիտուտում քննության առարկա դարձավ հայ ժողովրդի ծագման պրոբլեմը, կապված հայոց լեզվի առաջացման խնդրի հետ։

Վերոհիշյալ դիսկուսիաների ընթացքում պարզաբանվեցին մի շարք վիճելի հարցեր։ Ռեսպուբլիկայի լեզվաբաններին, գրականագետներին, պատմաբաններին և այլ բնագավառների աշխատողներին հաջողվեց հասնել կոնկրետ արդյունքների։

Տեսական և գործնական մեծ նշանակություն ունեցավ մեր Ակադեմիայի լեզվի ինստիտուտի կազմակերպած դիսկուսիան¹ Այդ դիսկուսիայում Մառի և նրա աշակերտների տեսակետները ենթարկվեցին խիստ քննադատության։ Դրսևորվեց արևմտահայ լեզուն ինքնուրույն լեզու դարձնելու փորձերի լիակատար սնանկությունը։ Դիսկուսիայում ելույթ ունեցող ընկերներից շատերը համոզիչ կերպով ցույց տվին գրաբարը և տեղական բարբառները հայոց լեզվի

¹ Դիսկուսիայի նյութերը կտպագրվեն «Տեղեկագրի» հաջորդ համարում։

զարգացման հիմնական աղբյուր դարձնելու փորձերի վնասակարությունը, բացահայտեցին հայոց լեզուն հնաբանություններով, արդեն մեռած բառերով և արտահայտություններով, նրա քերականական կառուցվածքին խորթ, անկենդան նորամուծություններով աղտոտելու անթույլատրելիությունը:

Դիսկուսիայի մասնակիցներից շատերը պաշտպանում էին այն ճիշտ միտքը, թե մեր լեզվի հետագա զարգացման հիմքը հանդիսանալու է առաջին հերթի մեր բուռն կերպով զարգացող, հարուստ, բազմակողմանի սոցիալիստական պրակտիկան, որն ամեն օր ծնում է նոր երևույթներ, հասկացողություններ ու պատկերացումներ, որոնք չեն կարող իրենց բառային արտահայտությունը գտնել գրաբարի և բարբառների սահմանափակ բառային նյութի մեջ:

Դիսկուսիան բացահայտեց հայոց լեզուն ՍՍՌՄ ժողովուրդների լեզուների և առաջին հերթին ռուս մեծ ժողովրդի լեզվի բարերար ազդեցությունից «սահմանազծելու» փորձերի ռեակցիոն բնույթը և ցույց տվեց, որ այդ փորձերը արդյունք են ազգային սահմանափակվածության: Ծիշտ էր նշվում դիսկուսիայում, որ խոսելով հայ լեզվի զարգացման, ինչպես և ՍՍՌՄ ամեն մի ժողովրդի լեզվի զարգացման մասին, չի կարելի մոռանալ, որ մեր երկրում սոցիալիստական հասարակարգի հաստատումով բացվեցին, այդ լեզուների զարգացման և համագործակցության կարգով, հարստացման լայն հնարավորություններ:

Դիսկուսիան ցույց տվեց նաև, որ որոշ լեզվաբաններ (Գ. Սեվակ, է. Աղայան և ուրիշներ) ընկեր Ստալինի աշխատությունից դեռևս չեն արել բոլոր անհրաժեշտ հետևությունները և լրիվ չափով չեն վերանայել իրենց սխալ դրույթները: Այդ էին վկայում դիսկուսիայում նրանց ունեցած ելույթները, որոնք ենթարկվեցին արդարացի քննադատության:

Ընկեր Ստալինի լեզվաբանական աշխատությունները հնարավորություն տվին մեր գրականագետներին վերանայել մի շարք հնացած և սխալ դրույթներ և նշել սովետահայ գրականության հետագա զարգացման ուղիները:

Մ. Աբեղյանի անվան Գրականության ինստիտուտի գիտական խորհրդի ընդլայնած նիստում վճռական քննադատության ենթարկվեցին սովետական, թալմուդիստական հնարանքները, որոնց օգնությամբ մի շարք փիլիսոփաներ և գրականագետներ փորձում են կասկածի տակ առնել գրականության և արվեստի վերնաշենքային բնույթը: Ելույթ ունեցող ընկերներից շատերը ցույց տվին, որ այդ հնարանքները ըստ էության հակասում են իդեոլոգիական հարցերի մասին ՀամԿ(բ)Պ Կենտկոմի պատմական որոշումներին և կարող են թուլացնել մեր պայքարը զաղափարազրկության, ֆորմալիզմի, բուրժուական օբեկտիվիզմի ամեն տեսակ արտահայտությունների դեմ:

Վիճաբանություններին մասնակցող ընկերները վերնաշենքի ակտիվ-ծառայական դերի մասին ընկեր Ստալինի ուսմունքի լույսի տակ դրեցին սովետահայ գրականության զարգացման համար կարևոր մի շարք խնդիրներ: Նրանք նշում էին գրական գործոնների իդեական հագեցվածության անհրաժեշտությունը, դեպի գրական ձևը, գրական վարպետությունը, կոմպոզիցիայի և ոճի հարցերը եղած արհամարհական վերաբերմունքի հաղթահարման անհրաժեշտությունը: Դիսկուսիային մասնակցողներից շատերը սուր կերպով դրեցին սոցիալիստական պրակտիկայի կենսական, ակտուալ հարցերից դեպի պատմության խորքերը, արդեն լուծված և լուսաբանված հարցերը փախուստ տալու՝ մինչև վերջ դեռ չհաղթահարված տենդենցների դեմ պայքարելու ան-

հրաժշտությունը: Այդ տենդենցները արտահայտվում են ոչ միայն դեղարվեստական դրականության մեջ, այլ նաև գրական քննադատության ասպարեզում:

Սրանք են ընկեր Ստալինի՝ հանճարեղ աշխատության յուրացման և նրա դրույթների կենսագործման առաջին արդյունքները հայագիտության տարբեր մարզերում: Սակայն անհրաժեշտ է ընդգծել, որ սա հանդիսանում է ընկեր Ստալինի աշխատության լույսի տակ գիտական պրոբլեմների խորը վերանայման և լուծման սկիզբը միայն:

Այդ տեսակետից չի կարելի չնշել, որ մեր Ակադեմիայի Հասարակական գիտությունների բաժանմունքի մի շարք հիմնադրկներ անհրաժեշտ լրջությամբ չեն զբաղվում այդ կարևորագույն հարցով: Բավական է ասել, որ փիլիսոփայության սեկտորը անցած տարվա ընթացքում չի կազմակերպել ընկեր Ստալինի աշխատության քննարկումը և շատ թույլ է մասնակցել այն դիսկուսիային, որ ծավալվեց բազիսի և վերնաշենքի հարցի մասին: Սեկտորի նոր ղեկավարությունը պետք է ամենակարճ ժամանակամիջոցում վերադիմացի աշխատանքներ իրականացնի:

Արվեստի սեկտորի աշխատակիցները մինչև այժմ մեր գիտական հասարակայնությանը չտվեցին որևէ քիչ թե շատ լուրջ ուսումնասիրություն սովետահայ արվեստի առջև դրված ակտուալ հարցերի լուսաբանման մասին, կապված ընկեր Ստալինի աշխատության հետ: Բնորոշ է, որ արվեստի սեկտորը ոչ մի մասնակցություն չունեցավ լեզվի և գրականության վերաբերյալ դիսկուսիաներին, ինչպես նաև «Մարքսիզմը և լեզվաբանության հարցերը» աշխատության հրատարակման տարեդարձին նվիրված սեսիային: Հստ երևույթին արվեստի սեկտորը մինչև այժմ լուրջ հետևություն չի արել այն սուր քննադատությունից, որին ենթարկվեց նրա աշխատանքը Հայաստանի Կոմունիստական պարտիայի 15-րդ համագումարում:

Մեր Ակադեմիայի Լեզվի, Գրականության և Պատմության ինստիտուտները չպետք է բավարարվեն նրանով, ինչ արդեն արել են ընկեր Ստալինի աշխատության ուսումնասիրման և նրա հանճարեղ գաղափարների կիրառման ուղղությամբ:

Իր բազիսը ամրապնդելու գործում վերնաշենքի ակտիվ դերի մասին ընկեր Ստալինի ուսմունքից անմիջապես հետևում է, որ սոցիալիստական բազիսի ամրապնդումը հանդիսանում է սոցիալիստական վերնաշենքի կենսական խնդիրը, որի անբաժանելի մասն է կազմում սովետական գիտությունը:

Մեր գիտա-հետազոտական ինստիտուտների աշխատանքի արդյունավետության չափանիշը հանդիսանում է այն, թե որքանով են նրանք մասնակցում Կոմունիզմի հաղթանակի գործին: Բավական է միայն, որ նրանցից մեկն ու մեկը անհրաժեշտ ակտիվություն չցուցաբերի այդ գործում, որպեսզի իրեն դատապարտի անխուսափելի ձախողման և ասպացուցի իր անօգտակարությունը:

Այդ ճշմարտությունը, որ իր փիլիսոփայական խոր հիմնավորումն է գտել ընկեր Ստալինի աշխատության մեջ, պարտավորեցնում է մեր գիտա-հետազոտական հիմնարկներին՝ լրջորեն վերանայել իրենց պլանները, կենտրոնացնել իրենց աշխատակիցներին ջանքերը այն խնդիրների լուծման վրա, որոնք կենսական նշանակություն ունեն սովետական հասարակական և պետական կարգի ամրապնդման համար, սոցիալիստական էկոնոմիկայի և կուլտուրայի համար:

Հայաստանի Կոմունիստական (բոլշևիկների) Պարտիայի 15-րդ համագումարը Հայկական ՍՍՌ Գիտությունների Ակադեմիայի Հասարակական գիտությունների բաժանմունքի առաջ ամենայն սրությամբ դրեց պատմության, փիլիսոփայության, գրականության, արվեստի սովետական ժամանակաշրջանի հարցերով ավելի լրջորեն զբաղվելու անհրաժեշտությունը:

Միանգամայն անթույլատրելի է, որ մեր որոշ գիտա-հետազոտական հիմնարկների սովետական ժամանակաշրջանի պատմության, գրականության, արվեստի սեկտորները ապահովված չեն բավականաչափ որակյալ, փորձված կադրերով: Գաղտնիք չէ, որ մեր Ակադեմիայի իսկական անդամներից շատերը՝ պատմաբանները, գրականագետները և լեզվաբանները, ինչպես նաև գիտությունների դոկտորներից շատերը իրենց գիտա-հետազոտական աշխատանքներում 19-րդ դարից այս կողմ չեն անցնում:

Մինչև հիմա էլ որոշ մարդկանց մոտ գոյություն ունի այն տարօրինակ, եթե չասենք անմիտ ու վնասակար «թեորիան», որի համաձայն այն ամենը, ինչ վերաբերում է սովետական ժամանակաշրջանին, իբր թե կրում է «հյւ-պարակախոսական-պրոպագանդիստական» և ոչ գիտական բնույթ:

Կարելի էր լրջորեն շխոսել անցյալի առանձին մոլեռանդ երկրպագուների այդ տարօրինակ «ճաշակների» և «գնահատականների» մասին, եթե մենք չունենայինք փաստեր, որ մեր որոշ ինստիտուտներում դեռ մինչև վերջ չի հաղթահարված հին պատմության և կուլտուրայի գերագնահատումը ի հաշիվ այժմեական թեմատիկայի:

Միանգամայն անհանդուրժելի է այն փաստը, որ Պատմության ինստիտուտի 23 գիտական աշխատողներից Հայաստանի սովետական շրջանի պատմության սեկտորում աշխատում են ընդամենը երկու հոգի:

Չնայած վերադաս օրգանների բազմաթիվ ցուցումներին, Ակադեմիայի Մ. Աբեղյանի անվան գրականության ինստիտուտը մինչև այժմ դեռևս չի հրատարակել Հայ գրականության պատմության վեցհատորյակի 6-րդ հատորը՝ նվիրված սովետահայ գրականությանը, չի հրատարակել նաև միջնակարգ դպրոցի դասագրքի 3-րդ հատորը՝ դարձյալ նվիրված սովետահայ գրականությանը: Այս երկու աշխատությունների համար սահմանված բոլոր ժամկետները վաղուց անցել են:

Մեր գիտական հասարակայնությունը իրավունք ունի սպասելու Հասարակական գիտությունների բաժանմունքի բյուրոյից և մեր Ակադեմիայի նախագահությունից, որպեսզի նրանք դիմեն կտրուկ միջոցների և ապահովեն ժամանակակից, սովետական թեմատիկայի արժանի տեղը մեր գիտա-հետազոտական պլաններում և նրանց ժամանակին կատարումը:

Զպետք է անտեսել անցյալի պատմության և հին կուլտուրայի մարքսիստական-լենինյան ուսումնասիրության նշանակությունը. մեր կադրերը զբաղվել են և պետք է զբաղվեն դրանով: Սակայն անցյալի ուսումնասիրությունը չպետք է ընթանա ի վնաս սովետական պրակտիկայի ուսումնասիրության և տեսական ընդհանրացման: Որպեսզի այդ կատարվի, անհրաժեշտ է, որ մենք մեր կադրերի, մեր միջոցների առավել մեծ մասը հատկացնենք ամենաակտուալ թեմաների մշակմանը:

Միաժամանակ անհրաժեշտ է վերջ տալ այն վնասակար պրակտիկային, երբ բազմաթիվ ակտուալ հարցեր լուսաբանվում են ոչ քավարար գիտական խորությամբ, հրր սովետական թեմատիկային նվիրված որոշ աշխատություն-

ներ էմպիրիկ նկարագրական քնույթ են ունենում, չեն պարունակում տեսական խորը ընդհանրացումներ: Մեծ սխալ կլիներ գիտական աշխատողների այդ կարգի թերությունները հանդուրժել միայն այն պատճառով, որ նրանք զբաղվում են սովետական թեմատիկայով: Ընդհակառակը, մենք պարտավոր ենք պահանջել այժմեական պրոբլեմների ամենալուրջ, գիտական-տեսական լուսաբանումը:

Ընկեր Ստալինի «Մարքսիզմը և լեզվաբանության հարցերը» հունճարեղ աշխատությունը սովորեցնում է մեզ, թե ինչպես համարձակ և ստեղծագործական ձևով պետք է լուծել սովետական գիտության ամենաակտուալ ու ամենաբարդ հարցերը: Մարքսիստական-լենինյան ուսումնասիրության այդ հոյակապ օրինակը դաստիարակում է մեր մեջ նորի զգացումը, գիտության ու կյանքի մեջ իր դարն ապրած ամեն մի դրույթի հանդեպ անհաշտ վերաբերմունք: Նա կոչում է մեզ անխնա պայքարի իդեալիզմի և մետաֆիզիկայի դեմ, բուրժուական «կոնցեպցիաների» և «տեսությունների» դեմ, ամեն տեսակ դոգմատիզմի և սխոլաստիկայի դեմ: